



S Vedastus tempore Clodouei regis Franco-
rum magno ardore Christum annuntiabat
ad Rhenum fluuium Germaniæ. Accidit autem
tum ut rex Clodoueus celebrẽ uictoriam de Ale-
mãnis potiretur, atq; uoti reus factus fidem Chri-
stianam amplecteretur. Itaq; à S. Vedasto & Re-
migio rex cū suis proceribus instructi baptisma
susceperūt. Postea Vedastus ob uitæ & doctrinæ
puritatem Atrebatensis præsul ordinatus est. Ibi
idola gentium extirpauit, atq; templa in Christia-
norum usum conuertit. Hinc fabula illa apud Vin-
centium monachum libro 22. capite 10. orta, quod
in ruinis ursus deprehensus, & à S. Vedasto exe-

cratus fuerit. qui syluam petens postea nunquam comparuit. In ea autem Ec-
clesia Vedastus per quadraginta annos præfuit, anno Christi 540. Tum enim
annis & laboribus consumptus, cum suam functionem optimè administra-
set, animam suam Deo commendauit, Spec. Hist.